



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

VII. Vtrum Angelus poßit moueri ab extremo ad extremum, seu quod idem est, ad locum distantem, sine transitu per medium.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

Ita Molina, Suarez, aliquae citati, contra Vazquez. Probatur ex dictis citat. dub. 3. Tum quia nulla datur eiusmodi unio realis Angeli cum corpore. Tum quia etiam si daretur, is tamen non posset esse terminus motus localis: quandoquidem motu locali per se ac necessario non variatur aut mutatur, ut dictum: quare non potest etiam esse fundamentum relationis, distantiae, ad fixas partes mundi. Denique ipsum Vazquez fatetur, cum modum non semper, neque necessario acquiri, vel haberi ab Angelo, quoties mouetur localiter.

¹⁶ Vnde sequitur altera pars assertionis. Quia per illud ubi intrinsecum optime explicantur, omnia, quae ad terminum motus localis requiruntur: nimur 1. quod sit aliquid posituum, reale, accidentale in ipso Angelo. 2. quod per se motu acquiratur etiam in vacuo. 3. quod motus cum illo identificetur. 4. quod semper mutetur, quoties Angelus sive per se, sive per accidens loco mouetur. 5. quod sit fundamentum distantiae ad fixas partes mundi; quae omnia patent ex dub. 2.

¹⁷ Et confirmantur haec omnia ex analogia motus corpori; nam & hic aliud terminum proprium ac intrinsecum non habet, quam hoc ubi locale corporum; tum ab exemplo cœlorum inferiorum, qui motu primi mobilis mouentur; aut etiam nautæ, qui motu nauis mouetur; imo etiam animas in corpore, & corporis Christi sub speciebus; nam & haec nouum ubi intrinsecum acquirunt, quoties loco mouentur; etiam si per accidens tantum moueantur; vt suo loco doceimus, & recte etiam tradit Suarez hic cap. 14. Neque propterea vel corpus Christi in hostia, vel anima in corpore, simpliciter & absolute dicenda sunt per se moueri; quia vis motiva non directe, sed indirecte solum illis applicatur; ita ut moueantur solum ad motum alterius; qui est virus ex præcipuis modis motus per accidens, iuxta Aristotelem 5. Physic. capit. 1. etiam si non moueantur per accidens alio sensu, quasi formaliter moueantur per solum motum alienum.

¹⁸ Ex quibus etiam dissoluuntur fundamenta sententiarum oppositarum; ut nimur. 1. quod motus localis, etiam corporum, solum sit denominatio extrinseca: vel 2. quod Angelus non moueatur loco, nisi secundum operationem transirent. vel 3. non nisi per unionem realem & formalem cum corpore, &c. quæ falsa esse, ex dictis constat. Aristoteles autem in contrarium citatus loquitur de termino motus, qui sit res distincta à subiecto, ut est forma substantialis, quantitas, qualitas, &c.

¹⁹ Assertio VII. Tametsi vero, ut dictum, in omni motu locali Angelus, ubi eius intrinsecum realiter aliquo modo varietur; non tamen quolibet motu locali Angelus terminus positivus acquiritur, & amittitur, sed prætermotum localem, quo Angelus amissus priori ubi locali intrinseco, acquirit nouum ubi locale intrinsecum, esse potest in Angelo etiam aliis motus localis, quo vel toto permanente priori ubi locali, accedit eidem solum noua pars ubi localis; aut quo parte solum

prioris ubi localis permanente, pars solum aliquam amittatur; ita ut in primo casu motus quidem localis Angelus sit inter terminos positivos, & partim deperditius, partim acquisitus: in secundo tamen sit mere acquisitus, adeoque inter terminum à quo priuatuum, qui est priuatio maioris ubi, & terminum ad quem positivum: in tertio sit mere deperditius sive priuatu⁹ inter terminum à quo positivum, & terminum ad quem priuatuum. Ita Suarez hic lib. 4. cap. 16. & patet ex dictis supra dub. 3. assert. 5.

²⁰ Probatur assertio. Quia Angelus suo arbitratu potest esse in loco adæquato, vel inadæquato, idq; per ubi diuisibile in ordine ad locum, ut ibide dicimus. Ergo potest vel totum priorem locum amittere, & acquirere nouum; vel in loco inadæquato existens, potest suum ubi extenderet, retento quidem priori ubi, sed nova ad eum facta accessione: vel in loco adæquato, aut etiam inadæquato existens potest contrahere se ad minus ubi, sola parte prioris ubi amissa, ut ibidem dicimus. Quia ratione etiam in locali motu Angelorum omnis illa varietas cernitur, quam Aristoteles 5. Physic. cap. 1. generatim motui attribuit, ut nimur sit, vel à subiecto ad subiectum, vel a non subiecto ad subiectum, vel à subiecto ad non subiectum.

²¹ Contrarium tamen docet, non solum Bassolis in 2. dist. 2. q. 4. a. 1. & quotquot cum illo sentiunt, Angelum per suam substantiam esse non posse nisi in loco adæquato; sed etiam qui negant, ubi locale Angelus, ex parte loci seu spaci, esse extensem & diuisibile; qui proinde asserunt, quoties Angelus se in eodem loco permanens, ad maiorem locum extendit, aut contrahit ad minorem, semper amitti prius ubi, & acquiri nouum, ut cit. dub. 3. retulimus. Sed quas sententias ibidem refutauimus; ubi etiam dicimus, esse quoad hoc differeniam inter corpora, & Angelos, illa enim cum non possint esse nisi in locis adæquatis, non possunt localiter moueri nisi à termino positivo, ad aliud positivum, non autem à positivo ad priuatuum, vel à priuatuo ad positivum, ut consideranti facile patebit.

DVBIVM VII.

Vtrū Angelus posset moueri de extremo ad extremū, seu ab uno loco ad aliu sine trāstū per mediū.

S. Thomas p. 1. p. 53, art. 2.

Proponit S. Thomas loc. cit. hanc difficultatem sub terminis paulo generalioribus, idq; dupl. citer: nam initio citatae questionis 53. ita articuli secundi argumentū proponit, *Vtrū Angelus moueatur de loco ad locum per transfundō medium*, at verò titulus, qui eidē articulo præfigitur ita habet, *Vtrū Angelus transeat per medium*, scilicet dum mouetur. Et vero res omnis eodem fere pertinet; siquidem cum in quovis motu Angelico, quo priori loco diuisibili relicto, nouus locus acquiritur, inter principium prioris loci, & extremum alteri⁹ (quæ sunt duo quasi extrema) intercedant plura loca media, ita ut Angelus semper in priori ac priori

motum

motum sistere, ac ibi quiescere potuerit, quæstio hæc ad omnem motum localem Angelii potest extendi, saltem eū, quo, vt dictum, Angelus priori loco diuisibili relicto, alium acquirit. Respondet vero S. Thomas loc. cit. motu quidem continuo Angelum ab uno extremo in alterum moueri non posse, nisi transeat per medium; per motum vero discretum posse: de quorum tamen verborum sensu, quoad posteriorem partem, non minus, quam de re ipsa est controversia.

2 Etenim quod dicitur, Angelum posse motu discreto moueri de extremo ad extremum, dupliciter intelligi potest, vel de loco medio participante, ab utroque extremo, vel de loco medio non participante. Sit enim V. G. locus Angelii decempedalis, & moueat se Angelus in alterum locum, decempedalem contiguum, & adaequatè à priori diuersum; tum inter initium primi, & extremum secundi loci designari possent alij infiniti (synctegorematice) decempedales loci communicantes seu participants; non communicans autem locus nullus; cum nullum plane sit spatium, imo nec punctum intermedium. quod non vel ad priorem vel ad posteriorem locum pertineat, & sub eo contineatur. Moueatur porro idem Angelus à priori loco ad alium non contiguum, sed decempedali V. G. spatio distantem, tum locus medius non communicans erit decempedalis. Nunc igitur est quæstio, quo modo vel ex mente S. Thomæ, vel secundum rei veritatem, possit Angelus de extremo ad extremum locum, sive motu continuo, sive motu discreto, naturaliter moueri, non transundo per medium; an scilicet hoc intelligendum sit, de medio communicante tantum, an de utroque, an de neutro: quæ quæstio solet à nonnullis etiam sub his terminis proponi, vtrum Angelus moueri possit naturaliter ab uno loco ad alium etiam distantem, & non contiguum. Dico naturaliter, quia omnes supponunt, supernaturaliter, & per absolutam Dei potentiam hoc fieri posse.

3 De hac re sunt tres Doctorum sententiae. Prima vniuersim affirmat, posse Angelum absque transitu per medium moueri motu discreto, ab uno loco ad alium, etiam distantem, & non contiguum. Ita docent Heruæus in 1. dist. 37. q. 1. a. 2. & tractatu de motu Angelique 1. 3. & 4. Marsilius in 2. q. 7. a. 3. Carthusianus in 1. dist. 37. q. 4. Capreolus in 2. dist. 6. q. 1. a. 1. Hispalensis dist. 6. q. 2. Ferrariensis 3. cont. gent. cap. 102. Caetanus, & plerique Thomistæ recentiores hic q. 53. a. 2. Vasquez disp. 196. cap. 2. & tribuitur etiam communiter S. Thomæ cit. q. 53. a. 2. non solum ab auctoribus huius sententiae, sed etiam à Suarez hic lib. 4. c. 18. & inclinant etiam Henricus quodlib. 4. q. 17. & Ariminensis in 2. d. 6. q. 3. a. 2.

4 Secunda sententia absolute ac vniuersim negat. Ita sentire videntur Alensis 2. part. q. 33. mem. 2. Albertus in 1. dist. 37. art. 2. 3. Bonaventura dist. 37. part. 2. art. 2. q. 2. Richardus a. 3. q. 2. Aegidius 2. part. dist. a. 2. Henricus quodlib. 13. q. 7. quam proinde communiorum inter antiquos Theologos vocat Richardus loc. cit. & Suarez hic lib. 4. cap. 19. num. 1. Quibus etiam Alberinus

tom. i. princip. i. coroll. 16. pun. 1. accenser Molinam, sed qui de loco solum distante loquitur.

Tertia sententia est, posse Angelum motu discreto, de extremo moueri ad extremum, sine transitu per medium non participans, seu quod idem est, posse moueri sine medio de extremo ad extremum locum coniunctum vel contiguum, non distante & diffitum, aliquo spatio interutrumque interiecto, nisi hoc ipso spatio prius transito. Ita cum Scoto in 2. dist. 2. q. 12. sive ultima, docent & distinguunt Gregorius de Valentia q. 4. pun. 1. Albertinus loc. cit. à num. 4. & videretur, vt dictum, consentire Molinam q. 53. a. 2. Eademque plane, vt bene citauit Gregorius de Valentia loc. cit. est sententia Gabrieli in 2. dist. 2. quæstion. 3. vbi expresse dicit, Angelum posse mutari de loco ad locum, & non per medium, si termini illius mutationis sunt indistantes; si vero termini distent, per medium (scilicet non communicans) non posse naturaliter ita moueri. Quanquam à nonnullis in eam sententiam referatur, quasi dixerit solum posse Angelum motu discreto moueri sine transitu per medium, cum est in loco inadæquato, & mouetur ad locum contiguum, adæquatum, v. g. ex loco bipedali extendendo suam presentiam ad decempedalem; non autem, cum est in loco adæquato: cum tamen hac in re de loco adæquato vel inadæquato Gabriel nihil distinguat. Ad eundem sensum recte etiam à Valentia intelligitur Richardus loc. citat. quia loquitur de medio inter duo loca Angeli interiecto. Eadem procul dubio est sententia Suarez hic lib. 4. cap. 19. quamvis enim absolute negatiua sententiam, vt probabiliorem tueatur, semper tamen loquitur de motu ad locum distantem. Hanc igitur sententiā, cū & ego probabiliorem semper existimauerim, sequentib⁹ assertionib⁹ declaro.

6 Assertio I. Motu continuo non potest Angelus de loco moueri ad locum, sive communicantem, sive non communicantem, & sive interiecto spatio distantem, sive contiguum, absque transitu per medium. Ita communis omnium, quos citauit, cum Sandro Thoma hic cit. q. 53. art. 2. adeo vt hæc assertio sit inter Doctores plane certa, & extra controversiam: quam etiam optime probat S. Thomas ibidem. Quia iuxta Aristotelem 4. Physic. tex 99. continuitas motus localis secundum prius & posterius sumitur ex continuate loci, secundum partes successivæ deperditæ & acquisiti; ita scilicet vt mobile prius veniat ad medium, quam ad extremum. Quare etiam Aristoteles de codem motu locali loquens 6. Physic. tex 77. ait, quod prius ad medium oportet pervenire, id quod fertur. Et lib. quinto, tex. 22. simili sensu ait: Inter (hoc est inter duo medium.) esse id, in quod prius aptum natura est pervenire id, quod mutatur, quam in quod ultimum mutatur. Quæ omnia æquè etiam procedunt, de loco continuo ac distante. Et confirmatur. Quia si motus est continuus, necesse est, vt etiam acquisitione termini sit continua, adeoque successiva: Ergo mobile non in instanti est in extremo loci, quem eo motu acquirit; ac proinde necessario

prius

prius fuit in medio; nullibi enim interim fuisse, non potest, ex dictis dub. 2. Quo sit, ut motus continuus sine transitu per medium plane implacet contradiccionem; ita ut nec per absolutam Dei potentiam fieri possit.

7 **Assertio II.** Sed nec motu discreto Angelus naturaliter moueri potest, ab uno loco ad alium, interiecto spatio distantem, sine transitu per medium: ac proinde non potest moueri ab extremo ad extreum, sine transitu per medium, non communicans, si quidem tale medium inter extrema sit interiectum. Ita sentio cum authoribus secundæ & tertiaræ sententia, contra primam sententiam; quæ est non sit omnino improbabilis; minus tamen probatur; non solum quia hæc opposita est communior veterum Scholasticorum, vt dictum, sed etiam quia melioribus rationibus nititur. Cum oppositorum sententia authores fere non nisi falsis fundamentis tantur, vt dicetur.

8 In rationibus autem pro hac assertione referendis, tametsi Authores discrepant, & vero difficile sit, rationem à priori, aut plane conuincientem adferre, vt patet ex ijs, quæ fuse disserit Suarez cit. cap. 19. mihi tamen hæc maxime probantur. Prima sumitur à posteriori seu effectu. Quia minus est agere in distans, seu virtutem vel actionem suam transmittere in distans, sine transitu per medium, quam suam substantiam in loco distanti collocare sine transitu per medium: sed Angelus non potest naturaliter agere in distans, nisi transmittendo virtutem seu actionem per medium, vt patet quæst. 5. Ergo, &c.

9 Secundo; Eadem quoad hoc videtur proportio inter duo loca extrema, quæ aliquo medio seiuenda sunt, quæ est inter tempus præteritum & futurum, quæ tempore seu nunc præsenti intermedio seiuenguntur: at vero impossibile est, vt supposita existentia temporis, res aliqua, in suo Esse permanens, à tempore præterito transeat in futurum, nisi per medium tempus seu nunc præsens: Ergo etiam impossibile est, vt res aliqua in suo esse permanens naturaliter transeat de extremo ad locum extremum distantem, sine transitu per medium; vt argumentatur etiam Gabriel loc. cit. Fateor tamen esse aliquam disparitatem, inter tempus & locum; quia cum tempus intrinsecus successuum sit, non potest nec discreto quidem motu, aut per ullam etiam potentiam, res in suo esse permanens coexistere tempori præterito & futuro simul aut successiue, nisi per medium transundo, coexistat etiam ipsi Nunc temporis præsens; quare etiam ratio præsens est non omnino conuincat, facit tamen rem probabilem.

10 Tertio, si Angelus posset moueri ad locum distante, sine transitu per medium, nulla causa esset, cur non vno instanti ad quemlibet locum remotissimum naturaliter se posset transferre; ita ut cum toto tempore præcedente quietisset in cœlo Empyreo V. G. vno momento posset esse in terra, vel in purgatorio: at hoc videtur incredibile & plane exceedens vires naturales substantia creatæ: est enim hac ratione virtus motiva Angeli, quasi infinita; cum etiam multiplicata in-

infinitum distantia loci, par facilitas esset, illic momento se collo candi; neque hac ratione inter Angelos quoad celeritatem motus esset differentia. **Quarto.** Nullum corpus, seu res naturalis nobis cognita potest moueri de loco in locum distantem, absque transitu per medium; neque illa ratio, aut experientia, vel authoritas probat oppositum de Angelo: Ergo probabilius est, nee Angelum id posse.

11 **Assertio III.** Potest tamen Angelus motu discreto naturaliter se mouere ad locum coniunctum, vel contiguum, sive communicantem sive non communicantem cum priore, absque transitu per medium. Ita authores prima & tertiaræ sententia, adeoque communis Theologorum, cui existimo, etiam ex authoribus secundæ sententia teipsa neminem aduersari, præter eos qui motum discreterum Angeli plane negant, in quibus est Ariminensis, vt dictum dub. præced.

12 Probatur primo; Quia si Angelus motu discreto necessario transiret per loca media participantia, tum necesse foret, transire per omnia eiusmodi loca participantia; cum sit eadem ratio omnium: sed hoc est impossibile; sequeretur enim in fine motus esse quasi numerata ab Angelo loca infinita participantia; quæ inter utrumque extreum intersint: nam motus discretrus, qui per interrupta instantia fit, facit numerum; continuus non iterum. Quæ est ratio S. Thomas, & Scoti locis citatis.

13 Secundo. Quia eodem modo anima rationalis V. G. simul & in instanti, adeoque sine transitu per medium, informaret totam partem aliquam corporis, si simul dispositam reperiret. Tertio. Hoc ipso, quod Angelus motu discreto simul & in instanti se constituit in toto loco adæquato subseqüente, non prius est in loco medio, quam in extremitate adæquato: Ergo hoc motu non transit per medium.

14 Quarto. Moueri localiter ad extreum, transiendo per medium, proprie est acquirere prius locum medium, & eo relicto venire ad extreum; transire enim relinquere quoddam est: atqui cum Angelus de loco ad locum coniunctum, sive contiguum, motu discreto mouetur, nullus locus medius potest assignari, ad quem ita prius mouetur Angelus, vt eū, veniendo ad extreum relinquat: nulla enim pars loci acquiritur, quæ deseratur, vel contra: sed posterior locus totus simul acquiritur, prior itidem totus simul deseritur. Ergo impossibile est, vt motu discreto Angelus moueat de loco ad locum coniunctum, sive contiguum, transiendo per medium: ac proinde nisi omnino negetur motus discretus Angeli, negari non potest, eum fieri absque medio participante. Diuersa est ratio corporis; quod cum plane motu discreto de loco ad locum moueri non possit, ob intimam suam extensionem & diuisibilitatem, non potest ullo modo de loco ad locum moueri, sine transitu per medium, vt recte etiam notauit S. Thomas cit. q. 52. a. 2.

15 Posset tamen aliquis de nomine contendendo, dicere, sufficere ad motum discretum Angeli per medium, vt prius ratione, vel natura, relinquatur & ac-

& acquiratur vna pars loci, quam alia; sed hoc est contra receptum loquendi usum, & proprietatem verborum, ut recte Vasquez loc. cit. quicquid in contrarium differat Suarez hic lib. 4. cap. 22. num. 3. Cum enim Aristoteles loc. cit. dixit in motu prius perueniri ad medium, quam ad extreum, non sane locutus est de prioritate solum rationis seu naturæ, sed temporis, cui etiam motum æquiparari docuit.

¹⁶ Argumenta vero authorum prima sententia iam aliunde refutata sunt: supponunt enim plerique falsa principia; ut quod Angelus secundum seac substantiam suam, vere non sit in loco, nec moueatur loco; sed solum secundum effectum; ut de Heruæ dub. 1. dictum: vel quod Angelus non sit in loco nisi per operationem transiunt, seu applicationem virtutis ad illam; quam cui velit loco possit applicare, vel non applicare; ut de Thomistis dictum dub. 3. vel quod Angelus sit in loco per unionem realem & voluntariam ad aliquod corpus; quam ita possit vni loco seu corpori etiam remoto applicare, vt non necessario etiam applicet locis seu corporibus intermedij, ut de Vasquez dictum dub. 3.

¹⁷ Quod vero ad Sanctum Thomam attinet, equidem cum Gregorio de Valentia & Albertino locis citatis probabiliter existimo, eum re ipsa à nobis non dissentire; sed locutum solummodo fuisse, iuxta sensum tertiaræ assertioñis, de medijs participantibus, non de alijs: quia de illis solum procedit eius ratio, non de ipsis; hæc enim infinita non sunt, sed illa tantum; quod etiam magis patet eius verba consideranti.

DVBIVM VIII.

*De velocitate motus Angelici: Et
speciatim, an et quæ ratione
Angelus moueri posset in in-
stanti, maxime ad locum di-
stantem.*

S. Thomas 1. p. q. 53. a. 3.

¹ Xplicata ratione motus Angelici, tum quoad substantiam, tum respectu loci seu spatij, superest, ut de eo etiam differamus per comparationem ad tempus, quo peragitur, & ex quo etiam desumitur velocitas motus: siquidem motus localis velocior est ille, qui eodem tempore plus spatij conficit.

² De qua quidem re, generatim loquendo, certum est, motum Angelii (pro arbitratu tamen ipsius Angelii, ut optime notauit etiam S. Thomas q. 53. a. 3. ad r.) esse posse velocissimum, siue is motu continuo, siue discreto velit moueri. Ita enim expresse docent SS. Patres, qui propterea motum eorundem alibus comparant, & addunt momento posse esse ubique, nempe quasi moraliter, ut retulimus supra dub. 6. assert. 2. Et ratio sumitur, tum à perfectione naturæ; quæ vti ca-

teras proprietates naturales, ita etiam vim motuam utique perfectiorem habet, quam in corporibus cernatur; spectat autem ad perfectionem facultatis motuæ posse celeriter mouere: tum ex conditione mobilis, & habitudine Angelii ad medium; siquidem ex neutro capite, cum ipse spiritualis & incorporeus sit, ullam penitus patitur resistentiam, cum sine ulla divisione medijs, penetratione quadam peruidere & percurrere possit omnia; tum denique ex imparabilitate spiritualis naturæ, quæ nullo motu aut spatij longitudine, siue continuatione fatigatur.

Duvero sunt dubia. Primum, utrum Angelus etiam in instanti moueri localiter possit; secundo, utrum velocitas motus Angelici sit determinata ad certum tempus, seu longius, seu breuius, pro maiori aut minori perfectione Angelii; quod sequentibus assertionibus declaramus.

Assertio I. Motus Angelii continuus fieri non potest in instanti; sed solum in tempore continuo. Ita communis & certa omnium Doctorum sententia cum S. Thoma cit. quæst. 53. a. 3. neque de hoc est ulla controversia. Ratio patet ex dictis dubiis præced. Quia de ratione motus continuis est, ut mobile partim sit in termino à quo, partim in termino ad quem; adeoque ut prius sit in medio, quam in extremo loco, seu termino loci, iuxta Aristotelem 6 Physic. cap. 4. & 10.

Assertio II. Nullus etiam motus Angelii, ab uno loco ad alium locum ita distantem, ut cum suo spatio excedat locum adæquatum eiusdem, fieri potest, nisi in tempore. Hæc assertio est contra Albertum in 1. dist. 37. a. 23. & 24. (qui tamen non satis constanter loquitur) item contra Henricum quolibet. 13. q. 7. Ariminensem in 2. dist. 6. q. 3. a. 2. Maiorem dist. 2. q. 12. Marsilium in 2. quæst. 7. & ut citat Ariminensis contra Hybernicum; qui existimat, motu discreto Angelum moueri posse etiam ad locum ita distantem in instanti: & addit Hybernicus, ita etiam necessario moueri.

Sed nostra assertio est communis ceterorum Theologorum, quam tradunt sancti Thomas hic quæst. 53. a. 3. Caetanus, & Thomistæ recentiores ibidem, Bonaventura in 1. dist. 37. part. 2. q. 3. Richardus art. 3. q. 3. Egidius part. 2. dist. q. 13. Scotus in 2. dist. 2. q. 11. Gabriel q. 3. a. 3. Capreolus in 2. dist. 6. q. 1. a. 1. Ferrariensis 3. cont. gent. cap. 102. item Gregorius de Valencia q. 4. punct. 2. Molina hic cit. q. 53. a. 3. Vasquez disp. 197. c. 2. Suarez hic lib. 4. cap. 22.

Probatur assertio. Quia si Angelus hoc casu moueretur in instanti, tunc simul ac eodem instanti esset in loco medio adæquato, & ultra illum in loco remotiori; ut necessario concedunt Ariminensis, & Maior, alijque nonnulli aduersari sententiæ authores: at vero consequens exedit naturalem virutem ac facultatem Angelii; ut qui naturaliter esse non potest, in maiori loco, quam sit locus eius adæquatius: ac præsertim etiam quia ea ratione sequeretur, Angelum simul esse posse etiam in duobus locis adæquatius, & per consequens etiam in pluribus, imo in quibusvis locis et si remotissimis, cum par sit ratio de duobus locis